

北帝曰此神呪神印北玄所秘上聖所宗告諸將來真子精心受持立我形像供養禮拜精勤不替每年龍行三日馬佳五日雉飛七日戊建九日甲子庚申之日醮祭虔仰專想不二每旦齋心持念神呪滿萬遍當可功成所施即應告諸來世真子若居世俗焚修香火即微聲持念勿令高詞恐驚神祇忌生死穢氣凡持經即須解禁此鄴都神印乃長生不死之道故置之於下元生界一十二圖以鎮十二年月日災氣伏滅十二時之難有修之於國天下和平諸方賓伏蠻夷胡越八表歸仁若國土有災殺戮不息君臣憂苦皆須建七元之壇急造印掛於國維十二辰位分野之中晨夕焚香供養

北真將降神印靈仙化為大神或作猛將扶助國家當為消滅三灾刑戮之難戈甲不行國土安康君臣共泰萬民清吉神印之力

北帝曰若下元生人修吾此道未見科法不觀經文符印不備捨訣無方念誦無功只言無効不知神仙妙道事在精修日進其功神

主

靈習記宿愆既蕩罪業蒙原三障漸消六根無礙上通靈智下統人倫立召立來神兵侍衛醮祭不輟上聖日知治病消魔應心隨意功成道果證入無為爾時

北帝所說神呪神印付諸大力神王三十萬人及諸妙行真人凡大地鬼神聞之普皆攝伏滯疾蒙甦冤魂解脫此經又何名之

北帝曰名為鄴都神印大帝妙經和天安地度陽九之難延命扶危人各受持告諸真子精而行之

太上元始天尊說北帝伏魔神呪妙經卷第五

太上元始天尊說北帝伏魔神呪妙經卷第六

名太上九真妙戒金錄度命九幽拔罪經

爾時元始天尊在九清妙境三元宮中御三炁之華寶雲玉座騫林之下與諸大聖太上道君太上老君九皇上真飛天大聖妙行真人四司五帝天龍人鬼無鞅數衆一時同會劫仞寶臺十方來衆皆駕五色雲輪八景琅與玄靈翠節飛雲素蓋麟駕羽軒龍旗鳳葆獅子白鶴嘯歌邕邕燒香散花遊空飛步誦誦洞章朝讚

天尊總校圖籙故度諸苦時三元上宮光明照耀洞朗太空靈都紫微輝映十方下及無極境界長夜九幽地獄之中善惡命根光中煥然一切玄司無不照耀一一天宮皆見元始天尊與諸大衆敷弘妙道開化人天標記善功註名黃籙金格玉簡陳列三清一一地獄之中皆見十方救苦天尊入於九幽拔度諸苦勅命北帝三官九府百二十曹五帝考官察命童子司命司錄司功司殺土皇九壘及四明公賓友僚屬五嶽掾吏執罰神兵

巨天力士天騶甲卒牛頭獄卒威劍神王三界大魔九億鬼王皆集九幽地獄之中同稟教戒爾時鄴都北帝及諸鬼官咸皆震悚各作是念我等積罪身為鬼官統御冥司常居黑闇動經億劫不見光明今日何緣忽感上聖威光朗耀普照重昏欲有啓問懷疑未敢爾時普掠獄中有諸罪人名入黑簿牛頭獄卒驅上刀山皆悉身首壞爛五體零落其中獨有一人循山上下逐樹高低履鋒踐刃無一傷損所有刀戟變成蓮花爾時北帝心大驚怖稽首禮謝上白

天尊弟子先緣不幸身任冥司自處鄴都已經億載屢見罪人受諸苦惱亦見東方風雷之獄常有黑風震雷霹靂飛戈飄戟衝突罪人分散肢體穿穴五藏萬劫受苦不捨晝夜

又見南方火翳之獄有諸罪人吞火食炭為火所燒頭面焦煉頭戴火山皮膚骨肉節節生火萬劫受苦不捨晝夜又見西方金剛之獄有諸罪人金槌鐵杖亂拷無數肢體壞爛筋骨零落鐵叉穿腹金槌塞心萬劫受苦不

捨晝夜又見北方寒冷之獄有諸罪人沉沒丘寒之池冰戟霜刃衝斷筋骨百毒之汁以灌其上五體零落心腹破壞萬劫受苦不捨晝夜又見中央普掠之獄有諸罪人身被拷掠痛毒難忍斷筋流血悶絕擲地於是獄卒方以鐵叉又刺令諸罪人各各循上刀山劍樹八連黑風吹樹低昂足落刀山身掛劍鏑萬劫受苦不捨晝夜又見東南方銅柱之獄有諸罪人手抱足登表裏焦爛筋骨零落腹背膿潰萬劫受苦不捨晝夜又見西南方屠割之獄有諸罪人身被倒懸刀劍割體四肢筋脉皮膚五藏皆有刀刃割切其中血流滿地非可堪忍萬劫受苦不捨晝夜又見西北方火車之獄有諸罪人五車裂體四肢分散或身處火車東西一車輪皆有刀刃隨輪運轉割切肢體加諸猛火燒炙焦爛萬劫受苦不捨晝夜又見東北方鑊湯之獄有諸罪人身被鐵叉又入鑊湯五體盡潰四肢潰爛膿血臭穢不可堪忍萬劫受苦不捨晝夜未審今此罪人以何因緣巡上刀山劍樹了無

傷損刀戟鋒刃變成蓮花相好端嚴獨步無畏衆苦所加莫能害者忽感上聖迴駕天真降集一切震懼莫知所以惟願

天尊大慈大悲憐濟度令諸九幽受苦衆生拔除罪自誠宿命捨惡從善得出九幽身處光明輪轉福報長得解脫永離三塗爾時九幽地獄衆生聞是北帝廣為啓諸心生悔過願求拔罪衆聲悲呼響震梵天爾時十方救苦天尊大悲觀心普及一切度身威光但六通惠令諸罪人閉眼靜思俄頃之間自識宿命各各明了生存之日或造諸惡業或手殺君父不孝二親或誹謗大道皆真就偽或傷殘兄弟謀及師尊或六親通同淫犯骨肉或為劫賊殺害人命或屠割衆生自饒一身或以強凌弱以貴賤或浮好三寶執心不專或輕慢法師穢賊靈文或心懷陰賊安忍嫉妬或惡口兩舌聞亂善人或殺生淫祀裸露三光或心生或口語或自作或教他積劫以來所有諸罪一時頓悟各各明了倍增悲惱願求解脫

天尊普告四衆曰汝等諦聽此諸罪人億劫已來不信經教唯罪是修惡惡相牽駐滿罪定遂使名書黑簿身沒九幽沉淪三塗末應解脫賴於其中有此一人生存之日曾建九幽大齋受持金籙白簡九真妙戒標名金格列字玉清德重功高名通上界我以神力隨念救護今當普宣禁戒絕諸惡根咸使汝等一時解脫爾時北帝聞是說已心大歡喜不勝踴躍瞻仰專顏而作頌曰

善哉元始尊 衆生慈父母 傾光紫微宮  
曲映九幽戶 裁我丘寒庭 迴照廓水浦  
炎炎烈火獄 霈然洒法雨 圓通大哀智  
常善濟衆苦 披度長夜寃 今得稽首禮  
爾時北帝說是頌已 是諸大衆同聲稱善鈞  
天伎樂萬種互作幢蓋香花蔭洒一切於是  
元始天尊復告四衆曰汝等諦聽靜念在心  
吾當為汝顯說九真妙戒金籙白簡受持功  
德技難濟苦神力難思衆靈稽首伏受教命  
天尊告曰

一者敬讓孝養父母

若王  
二者克勤忠於

三者不殺慈救衆生  
四者不淫正身處物  
五者不盜推義損己  
六者不嗔克怒凌人  
七者不詐誦賊害善  
八者不憍傲忽至真  
九者不二奉戒專一

右九真妙戒

黃籙白簡救苦真符



元始符命黃籙白簡救苦真符告下十方  
無極世界三官九府百二十曹五帝考官  
九幽地獄巨天少主執罰神兵司錄司令  
司功司殺牛頭獄卒三界大魔按度亡過  
罪雲龜出地獄永斷長夜觀見光明萬  
罪屬除究仇和釋承此九真妙戒按度功  
德上生  
天堂一如告命  
年 月 日 時 毒 壇 告 下

金籙白簡長生靈符



元始符命金籙白簡長生靈符告下南方  
月天世界朱陵火府南昌上宮長生大帝  
轉居司馬司命司執延壽益業度九尊神  
迴體起死監生大神超度亡過亦靈龜上  
登朱陵流火之庭玉神煉質黃華蕩形書  
名兼丹受化更生永此金籙慶命功德時  
刻昇遷一如告命

年 月 日 時 毒 壇 告 下

太極真人曰修上真大洞道及三真之要而不知鄴都山真形者七祖不得蕩滅於胞門也又名六天策文丹黑書寫發者姓名於其側烈火場之則北都解其縛三官赦僊上昇福堂矣石刻立臺墓宮苦寃受度簡記朱陵學者佩身及置堂房上萬鬼滅爽幽源開泰此文書上清北元之闕以正六劍之分出元始六天制魔經讚曰鄴都真形文隸上清學修仙士佩制魔精三官賜福七祖受生前除黑簿煉度朱陵威神默護致道製成六天策

文鎮宅利亨開業道甘露通真咒曰

功德金色光 微微開幽關 華池流真香

蓮蓋隨雲浮 千靈重元和 常居十二樓

急宣靈寶音 自在天堂遊

此名破地獄通真神咒及

太上金口所宣秘咒妙言若人持誦能令地

獄門開關鎖自落九幽罷對六道停輪苦菟

受生先靈超度淨鄴都地獄昇天咒曰

茫茫鄴都中 重重金剛山 靈寶無量光

洞照炎地煩 七祖諸幽菟 身隨香雲播

定慧青蓮花 上生神永安

天尊言此神咒若地獄幽菟一聞咒名自然

快樂得生天路此二神咒出甘露神咒地獄

昇天經

鄴都山真形

第五

七



汝等若能受持金籙白簡九真妙戒長生靈

符救苦真符當消九幽大罪標名九宮察命

童子護戒威神五帝直符六宮掾吏自當隨

逐簡文覆護受戒弟子天尊又曰若有國土

兵災不息疫毒流行是其國主后妃太子王

公及諸庶人亦當修建九幽大齋各各受持

九真妙戒金籙寶符兵災靜息妖惡自屏天

人稱慶欣國太平若在山林曠野為虎狼猛

獸之所奔突便當寧心存思金簡靈符祭命

童子受戒法師護法神王猛獸自退終不害

已若入大海遭遇惡風亦當存念風波靜息

得達於岸若入軍陣白刃之中亦當存念兵

杖伏匿不有損傷若在牢獄枷鎖之中亦當

存念寬枉自伸必得解脫若為邪精眾苦所

纏亦當存念鬼魅消滅自然差愈若人命過

應入九幽名書黑簿夫妻男女門人同學當

為亡人立九幽大齋名書白簡為受九真妙

戒燒除黑簿彼諸罪人應時解脫昇入天門

因緣輪轉得為九宮真人

天尊又曰金籙妙戒長生靈符威禁至重若

能如法修行其福無量若復有人起心誹謗

生輕慢想當知此人積惡萬劫罪障深重名

書黑簿身沒鬼官命過之後必當淪陷九幽

地獄備受諸苦綿綿長夜不可解脫設復有

人初雖信受後起悔心察命童子奏上三官

削除金簡注名死錄或在見世身受惡病蟲

癩癰疽人所弃擲求生不得求死不得憂惱

自煎無日解脫或復長被橫惡所加或犯王

法或犯刀兵或犯虎狼或犯水火或犯惡人

口舌咒詛室家不和門庭起譁冤家牽引一

失真道常淪惡趣是故汝等依科遵奉勿生

異念宜告男女咸使聞知是時北帝及諸四

眾九幽罪人聞是說已神開意悟各發善念

眾苦消釋身心泰然皆發道意永不輪轉是

時九幽黑簿一時焚燼火山息烟水池靜波

吞火食炭化為甘露金槌鐵杖變成蓮花飛空步虛而作頌曰

稽首無上道 歸心元始尊 至真妙應主

開化飛玄門 妙戒悟五靈 金書警萬神

察命定錄籍 靈符度苦魂 乘雲朝玉帝

齊契玄中人

太上元始天尊說北帝伏魔神呪妙經卷第六

太上元始天尊說北帝伏魔神呪妙經卷第七

九龍品

張六

爾時天尊在紫微宮中九龍座上青春長齋之月十五日明星皎潔之時與

諸天帝八威神王地下眾靈仙男仙女神男

神女九宮仙人飛仙部眾悉在道前稽首長

跪瞻視

聖顏

天尊默然一無所說閉目靜思普念十方無量眾生處在愚冥不聞真正造諸惡業墜生死

河輪迴五道窮苦所逼誰能悟理獨吾知耳心念是已便復叩齒不覺北帝乘道威力知有

所念從北方玄丘絕頂之上與諸真騎浮空而來直詣道前虔心作禮上白

天尊言上聖慈化憫念天人備受灾厄廣為救拔諸天歡樂瑞雲映生地獄無冤對之愆

天堂荷更生之慶邪妖屏絕六洞不開人天赤子普獲深恩又念窮苦所逼飢寒憂悲不

審上聖將何救度如蒙拯濟諸天荷恩

天尊告曰子今所請欲令人天貧富一均無

有差別當為汝說成天立地起自無為結氣凝空是因吾教宿命修短得道因緣注上生籍者詣南昌之宮去灾榮祿者求於北斗執簿追呼者屬於三官之司利祿獲珍者即須五龍九聖吾今演說各願受持

天尊告曰四天之中有九龍微妙名字善利官祿令土地豐熟灾害不生有求稱遂離諸虛耗日得富昌

靈衛世人之俸祿其由信也告諸大眾若國土灾厄五穀不豐貧窮困苦衣食不充及諸

國人民官祿不遷憂惶相繼諸不稱意名宦不昌欲求利益者當先立吾形像置三官之位建九龍之壇晨夕三時焚香行道禮念九龍名字召五方龍王精思北極天符特降龍

王即臨受其信心為勅五土之神廣作利益運五方珍寶來降境中國土豐饒無不遂意精誠之者立應其福

道言青龍者是東方七宿角亢之精下降人間護持國土青華宮內化生修吉龍王深林

三四一四二一

太上元始天尊說北帝伏魔神呪妙經 卷七